

中華民國郵政特准掛號認爲新聞紙類

中 華 民 國 三 年 七 月 六 號  
湖 南 官 書 局 行

# 湖 南 政 報

## 本報價目

- 一本報按照陽歷每日出報一本
- 一每分每月收回大洋六角
- 一外埠購報郵費以購報之多寡酌加
- 一夫役送報如有遺漏請即函告以便補發
- 一零售每分銅元四枚

湖南官書報局廣告

啓者本局印刷廠製出官紙印刷極精取價極廉已呈由 都督兼巡按使通令各機關來局購用在案查本局印製各種官紙概山學院街本局總發售處出售並無委託商店代銷情事倘各商店有售賣本局製造之官紙者即係假冒射利一經查覺定即呈請 都督兼巡按使嚴懲不貸恐未週知特此登報宣告

湖南官書報局廣告

啓者本局前在省城文運街設立總發行所經理出售官紙書報等項現因距局太遠照料不便將該所歸併局內照舊設櫃減價出售嗣後各處有訂印新式官紙購買書報等件者請直接本局交易決不致誤特此登報聲明

目錄



大總統申令 電京卅

大總統策令 電京卅

大總統申令 電京卅

飭

湖南巡按使公署飭

飭湘江道尹 關防山

飭出品協會 准事務局電以該局移

飭 長岳兩關監督兼外交部汪詒齊 准 政事堂電各省特別官

飭 特派湖南交涉員署署長劉嘉蔭

飭永順知事 據省立第一師範學校詳請飭該縣知

飭警察廳 以後對於外交事項應

詳批

都督兼巡按使批

批臨武縣知事孫蔚蘭詳資遣委學黃暨視學員履歷清冊請察核備案由

批新甯縣知事徐孝泰詳報委任學務委員請備案由

批桂陽縣知事王國英詳報第二區法政講習所改

辦情形並資一覽表請核准立案刊發所印由

批郴縣知事詳為更正校名請刊私立羅溪女子

師範學校校印由

公電

本省發電

都督兼巡按使飭寶慶李知事電

都督兼巡按使飭寶慶張知事電

都督兼巡按使飭衡山周知事電

都督兼巡按使飭新化程知事電

都督兼巡按使飭湘潭羅知事電

都督兼巡按使飭寶慶張知事趙營長電

都督兼巡按使飭新化程知事電

各屬來電

寶慶李知事詳 都督兼巡按使電

寶慶張知事詳 都督兼巡按使電

新化知事詳 都督兼巡按使電

湘潭知事詳 都督兼巡按使電

寶慶張知事守備隊趙營長詳 都督兼巡按使電

新化程知事詳 都督兼巡按使電二

新化閩邑士民公稟 都督兼巡按使電

衡山知事詳 都督兼巡按使電

醴陵知事詳 都督兼巡按使電

咨

都督兼巡按使咨復農商部 發給辰州觀測分

該所將儀器器具等項送交沅陵縣知事公署由

都督兼巡按使咨陳農商部 咨送大小麥文種並總表

示

內務部示

通告

湖南巡按使公署通告 二則

令

大總統申令京電

都督之稱肇自漢魏武曷舉義事倉猝定名其時兵事初興人心未定類晉齊之雄長似楚漢之剖分民國紀元未遑變置黎副總統首倡軍民分治所陳十害三無之弊劇日怵心海內賢達咸表同情方今大難削平主權統一各省都督皆深明大義恪守準繩若復因仍方鎮之名稱無以移易軍民之耳目即欲實行省制而窒礙殊多應將各都督一律裁撤於京師建將軍府并設將軍諸名號有督理各省軍政者就所駐省分州府建牙俾出則膺關寄入則總師于內外相維呼吸一氣合全國之軍有如同體吟域胥化指臂相聯薪進歐美之強而無叔季軍民牽合之弊從此分途程功不相侵越司戎備者得專意夫軍門治民事者益精求夫吏理拊循共勗文武交歡永泯割裂之端同進昇平之化本大總統有厚望焉此令

大總統策令京電

特任陸軍總長陸軍上將段祺瑞為建威上將軍兼管理將軍府事務此令

特任陸軍上將張勳為定武上將軍兼長江巡閱使此令

直隸巡按使朱家寶著加將軍銜督理直隸軍務此令

特任陸軍上將銜張錫鑾為鎮守上將軍督理奉天軍務兼節制吉林黑龍江口口口口軍務此令

特任陸軍中將孟恩遠為鎮安左將軍督理吉林軍務此令

特任陸軍中將朱慶瀾爲鎮安將軍督理黑龍江軍務此令

特任陸軍中將蔣雲鵬爲秦武將軍督理山東軍務此令

河南巡按使田文烈著加將軍銜督理河南軍務此令

特任陸軍中將閻錫山爲同武將軍督理山西軍務此令

特任陸軍上將馮國璋爲宣武上將軍督理江蘇軍務此令

特任陸軍中將朱瑞爲興武將軍督理浙江軍務此令

特任陸軍中將李純爲昌武將軍督理江西軍務此令

特任陸軍中將倪嗣冲爲安武將軍督理安徽軍務此令

特任陸軍上將段芝貴爲彰武上將軍督理湖北軍務此令

特任海軍中將湯鄉 爲靖武將軍督理湖南軍務此令

特任陸軍中將陸建章爲威武將軍督理陝西軍務此令

甘肅巡按使張廣建著加將軍銜督理甘肅軍務此令

新疆巡按使楊增新著加將軍銜督理新疆軍務此令

特任陸軍中將胡景伊爲威武將軍督理四川軍務此令

特任陸軍上將龍濟光爲振武上將軍督理廣東軍務此令

特任陸軍中將陸榮廷爲甯武將軍督理廣西軍務此令

特任陸軍中將唐繼堯爲開武將軍兼理雲南軍務此令

特任陸軍上將姜桂題爲昭武上將軍兼熱河都統督理熱河軍務此令

特任陸軍中將蔡錫爲昭武將軍此令

特任陸軍中將蔣尊簋爲定武將軍此令

特任陸軍中將張鳳翽爲揚武將軍此令

吳祥麟給予二等文虎章此令

吳加安給予四等嘉禾章此令

周鼎銘給予五等嘉禾章此令

陸軍總長段祺瑞呈核覆新疆都督擬以杜發榮補新疆督標吐魯番營遊擊請予准補等語應照准此令

陸軍總長段祺瑞呈核覆管理大火器營事務江朝宗擬以瑞斌玉林德順崎謙升補烏鎗護軍校請予准補等語應照准此令

陸軍總長段祺瑞呈核覆正藍旗蒙古都統擬以志樞銘桐文需補驍騎校請予准補等語應照准此令

據振武上將軍督理廣東軍務龍濟光呈稱陸軍第一團第一營營長陸軍騎兵少校吳典臨事畏縮幾誤戎機請褫革等語吳典應卽褫革軍官軍職以示肅儆并交陸軍部查照此令  
據威武將軍督理四川軍務胡景伊雷稱喇嘛了附近地方有外人及僕從一名護近兵二名遇匪被害情事當經飭據川邊鎮守使雷毅查明被害外人係法司錫影茂美已詳該使勒緝

等語查外人傳教內地載在約章地方文武各官均應盡保護之責前經嚴切詰誡已不啻三令五申乃此次法司經彭茂美竟於喇嘛了附近地方遇匪被戕並及其僕從護送人等殊堪痛恨著該將軍電飭該使妥慎辦理並將防範不力之員查明參辦以儆疏玩該處地居邊遠匪類如此橫行實屬愍不畏法應由該將軍巡按使通飭各屬勒限緝凶務獲重懲毋任漏網此令

茲制定陸海軍大元帥軍令程式令公布之此令

茲制定陸海軍大元帥統率辦事處公文程式令公布之此令

吉林黑龍江護軍使均即裁撤此令

大總統申令

京電

據昌武將軍督理江西軍務李純電稱逆黨蔣鴻斌同謀案內查有陸軍步兵少校劉煥章陶守務高學珠陸軍步兵少校銜上尉劉功臣及彙案請獎之陸軍步兵上尉在天祐等五名同惡相濟暗助逆謀與蔣鴻斌實有密切關係正擬拏辦間乃竟先後潛逃益見情虛畏罪擬請立予嚴革通令嚴緝等語贛省潛亂頻仍民不堪命此次蔣鴻斌密謀內叛幸發覺尙早未致復燃緒煥章等身為軍官輒敢陰附逆黨謀擾亂民國既據探查明確實屬罪無可寬猶煥章陶守務高學珠劉功臣著即一併褫去軍職并與撤銷保案之任天祐由各省將軍巡按使各統兵各官一體嚴拏務獲按例究辦以肅軍紀而絕亂萌此令

中華民國三年六月三十日

謹按

中央政府命令本報係照京電號碼譯登聞或電碼有誤關係其大應俟政府公報寄到隨時查對更正



飭

湖南巡按使公署飭

爲飭發事案照湘江道署現正組織該道道尹印信刻尙未奉印鑄局鑄發自非由湘先行刊頒關防不足以昭信守而資應用前經本署巡按使將此案情形電呈中央旋承准 政事堂寒電轉奉 大總統令准由該巡按使刊發木質關防等因業經另案飭知在案茲由本兼使飭匠刻就木質關防一顆文曰湖南省湘江道尹之關防合行飭發防到該道尹即便遵照查收啓用仍將奉到暨啓用日期詳報備查切切此飭

都督兼巡按使湯壽銘

右飭湘江道尹胡瑞霖准此

湖南民  
政長印

中華民國三年七月一日

湖南巡按使公署飭

爲飭知事案准籌備巴拿馬賽會事務局電開本局於六月念九移滬交涉署辦公特聞並轉協會賽賽等因准此合行飭仰該協會即便知照此飭

都督兼巡按使湯壽銘

右飭湖南籌備巴拿馬賽會出品協會准此

湖南民  
政長印

中華民國三年七月一日

湖南巡按使公署飭

為飭知事本月二十七日承准 大總統府政事堂梗電開奉 大總統令各省特別行政

官署官制未經修正以前鹽運使對於巡按使之行文用牒巡按使對於鹽運使之行文用移

其特派交涉員海常關監督鑛務監督權運局對於巡按使對於特派交涉員等

官署用飭等因轉達到湘承准此除分別飭知外合行飭仰該局 即便知照此飭

都督兼巡按使湯蕪銘

右飭

長岳兩關監督兼外交部 汪詒書  
特派湖南交涉員 汪詒書  
海常關監督署署長周大烈  
鑛務監督局局長 劉嘉蔭

准此

湖南民  
政長印

中華民國三年六月三十日

湖南巡按使公署飭

爲飭知事案據省立第一師範學校校長張幹詳稱爲開除學生追繳學膳費用事竊本校講習科學生田奇勛係永順縣人該生性質卑污於本月二十二日發現極不名譽之行爲經校長切實攷查實無曲全之餘地且非從嚴辦理不足以服大眾而肅校規用特將該生學籍立予開除校長以該生年方弱冠離家甚遠恐其出校後流蕩忘歸特飭警理員親率出校送交與該生同縣之原保證人警察廳科員何紹元承領至該生在校學膳費用計洋一百七十六元照章應令償還理合具文并粘單一紙詳請鈞署飭令永順縣知事按照上開該生學膳等費數目嚴行追繳以重公帑所有開除學生追繳學膳費用各緣由是否有當伏乞察核示遵施行等情據此除批詳悉該校講習科學生田奇勛性行不良照章開除并請追繳在學用費自屬正當辦法仰候飭行永順縣知事遵照辦理可也此批印發外合行飭仰該知事即便遵照辦理具覆此飭

都督兼巡按使湯壽銘

右飭永順縣知事准此

湖南民  
政長印

中華民國三年七月一日

湖南巡按使公署飭

爲飭知事案照各省交涉署原係 外交部特派人員專爲辦理全省外交行政事務而設依特派交涉員職務通則之規定該員除應受本兼巡按使之監督外其對於地方行政官署惟因職務上所關事項有必須由該官廳執行者得隨時函令各該長官辦理是各該官署對於交涉署但有輔助執行之責並無請求辦事之權法至明意至顯也茲查省城地面華洋雜處常有交涉案件不時發生該廳近接事實爲保護華洋商民起見不得不隨時提起交涉亟應規定劃一辦法以明統系而便遵循嗣後該廳關於交涉事項統須詳由本兼使核明轉飭特派交涉員察酌辦理不得自以文書逕達領事期收指臂之效而免手續之歧是爲至要除飭交涉署查照外合行飭知飭到該廳即便遵照並轉飭各署知照此飭

都督兼巡按使湯薌銘

右飭警察廳廳長張樹勳准此

湖南民  
政長印

中華民國三年七月二日

詳批

都督兼巡按使批

批臨武縣知事孫蔚蘭詳資遴委學董暨視學員履歷清冊請察核備案由

詳册均悉應准如詳備案此批抄由發履歷册存

附原詳

爲詳報委任學董及縣視學懇予核准存案事案奉鈞使教字第一六三號訓令內開教育司案呈奉 教育部令開各地方現設之各級自治會現奉 大總統令停辦凡小學校令內城鎮總董鄉董及學校聯合長關於教育上之職務應由縣知事遴任公正士紳爲學董代其執行縣知事察所屬城鎮鄉專恃學董不足維持時得委任學務委員助理其職務此令等因奉此除分行外合就令仰該知事即便遵照辦理仍將辦理情形迅速具覆切切此令等因奉此遵卽查有屬縣城區鄒觀揚東區賀相晉南區胡龍飛西區譚懷清北區黃龍驥等熱心公益夙嫻教務堪以委任各區學董藉資整理又恐各區自爲風氣難收教育統一之效查鈞使頒發取締私塾暫行規程內猶有縣視學名稱爰委前充本縣教育科長周成立爲縣視學員俾時赴各區認真觀察早經分別狀委並迭飭遵章辦理在案茲查該員等尙屬認真供職理合開具各員履歷清冊備文詳報鈞使察核備案并令飭祇遵深爲公便謹詳

批新寧縣知事徐孝泰詳報委任學務委員請備案由

詳悉該縣僅設學務委員一人所屬城鎮鄉概未設置學董核與部令及本公署所頒發之城鎮鄉學董暫行規程不符仰仍遵章辦理并將辦理情形詳復核奪此批抄由發

附原詳

爲詳報委任學務委員專竊查接管內奉鈞署訓令教字第一百六十三號內開教育司案呈案奉 教育部訓令開各地方現設之各級自治會現奉 大總統令停辦凡

小學校令內城鎮總董鄉董及學校聯合會關於教育上之職務應由縣知事遴任公正士紳爲學董代其執行縣知事察所屬城鎮鄉專恃學董不足維持時得委任學務委員助理其職務此令等因奉此除分行外合就令仰該知事即便遵照辦理仍將辦理情形迅速具覆切切此令等因奉此知事查學務關係要政縣屬學務廢弛亟應得人助理藉資整頓查有邑紳劉重堪學識宏通深諳教育宗旨堪充學務委員之職除由知事照會該員切實供職外理合詳覆鈞署查核備案實爲公便謹詳

批桂陽縣知事王國英詳報第二區法政講習所改辦情形並費一覽表請核准立案刊發所印由

詳覽一覽表均悉應即准予備案惟刊發所印一節應查照本公署頒行釐定各學校性質及名稱規程酌定所名再行詳請刊發領用仰即轉飭知照此批抄由發

附原詳

爲改辦法政講習所詳請立案事案據縣屬第三區法政專門學校詳稱竊敝校於上年三月組織法政專門學校一處並將開辦情形酌擬簡章呈請轉詳教育司暨司法籌備處在案溯自上年三月開講至本年三月止已授課四十星期負笈學員均尙熱心研究本年五月二十七日准貴公署公函內開奉民政長教字第四六七號訓令以湘省比年以來法政學校林立侈名大學專門其實課程辦法甚屬簡畧年限資格亦多未合飭令分別停辦并改辦法政講習所等因計頒發湖南暫行法政講習所通則十一條函達敝校從速改辦法政講習所遵照通則履行仍將改辦情形并造具課程及教職員履歷學員姓名表送署以便轉詳立案毋稍延誤等因准此敝校遵卽改換名稱曰第三區法政講習所自本學期起悉照頒發通則課程分門教授擬扣足六十星期再行呈請畢業除另造表冊外相應呈請轉詳立案以宏造就而免遺誤再敝校備錢一千文并懇請頒發鈐記一顆以昭信守實爲公便等情據此知事查縣屬風氣蔽僂民氣悍強械鬪之風尤甚他縣是非普徧法政開通民智不可該校現既遵令改爲法政講習所又經知事親往查視所有課程均照鈐署頒定通則教授一切辦法亦無不合之處理合取具該校一覽表並錢一千文具文轉呈鈐署俯賜察核准予立案賞給鈐記俾昭信守并祈指令轉飭祇遵謹詳

批郴縣知事詳爲更正校名請刊私立濂溪女子師範學校校印由

詳悉該校校名應改爲湖南私立濂溪女子師範學校以符定章所需校印俟該校備繳刊費一千文郵費三角五分詳由該知事轉齊到署再行飭刊付郵可也仰卽轉飭知照此批

附原詳

爲詳請刊換校印事案奉鈞署教字第四三二號令發學校性質及名稱規程二十條下縣飭將所轄境內各校按照更正具請刊換校印等因當經知事分別轉行并令飭公立女子師範學校去後茲據該女校校長黃鶴年稟稱該校係前清光緒三十四年八月由私人集資創辦初名女子初等小學以城東育嬰堂側公屋爲校址迨民國元年遷入濂溪祠改名女子兩等小學民國二年復經黃紳如葵潘紳賢錄李紳大樑等合力組織更名公立女子師範學校附屬初等高等小學呈奉前教育司批准立案并每年奉發津貼洋一千七百四十圓以資補助現奉新章已遵飭更名爲湖南郴縣私立濂溪女子師範學校稟請轉詳立案刊換校印等情前來知事查該女子師範學校雖領有常年津貼而開辦時之一切設備全係該校長等自行組合其爲私立性質無疑應卽更名爲私立學校以符定案是否有當理合備文詳請鈞署俯賜鑒核批示祇遵如蒙核准并懇頒換校印文曰湖南郴縣私立濂溪女子師範學校俾資信守仍祈郵寄下縣以憑轉發再刊資郵費銀一元三角五分容卽彙解合併聲明除鈐具副詳外謹詳



公電

本省發電

都督兼巡按使飭寶慶李知事電

寶慶知事文電悉大水爲災殊深憫惻山水易漲易退須隨時電聞至被災人民由該知事酌發急賑以五百串爲限一面出示安撫無任流離巡按使湯寒印

都督兼巡按使飭寶慶張知事電

寶慶張知事元電悉該縣大水成災田屋淹塌人民蕩析深堪憫念仰卽妥爲撫綏毋使失所仍將勘災散賑情形從速具報巡按使湯諫

都督兼巡按使飭衡山周知事電

衡山周知事鹽電悉該縣雨水爲災田禾損壞殊深憫念應將被災情形切實查勘妥爲賑撫並設法疏消積水乘時補種以冀有秋仍隨時詳報巡按使湯諫

都督兼巡按使飭新化程知事電

寶慶知事轉新化程知事文電悉該縣大水深達數丈田廬淹沒居民困苦實深軫念該知事設法拯救一面籌放急賑所辦甚是仰仍妥爲安撫并迅將詳細情形詳報核辦巡按使湯霰  
都督兼巡按使飭湘潭羅知事電

湘潭羅知事刪電悉該縣大水爲災居民流離殊深憫惻據稱已會紳籌發賑款所辦極是仍

一面妥為安撫毋使失所并將被災及散賑各情形分別具報巡按使湯諫

都督兼巡按使飭寶慶張知事趙營長電

寶慶張知事趙營長諫電悉據稱該縣災民甚衆自應設法賑恤惟庫帑奇絀災區復廣應付甚難茲已飭財政廳轉行該縣湖南分銀行續撥錢四百串並委吳樹聲就近賑撫仍一面會同該知事等就地籌款以資賑恤仰即悉心辦理具報並轉吳委員立即遵辦文續寄巡按使湯個

都督兼巡按使飭新化程知事電

寶慶知事轉新化知事寒電悉該縣水災良深憫念至倉穀被淹應即設法防護據稱濕穀及未濕之穀分兩項辦法固無不可惟來電未約舉數目無憑核辦應由該知事切實清查妥慎辦理毋稍疏忽仍具報察核再該縣士民同日來電請委員借穀等情并由該知事查酌擬辦具覆兼巡按使湯個

都督兼巡按使飭醴陵凌知事電

醴陵凌知事皓電悉該縣涿口泗汾各處人畜田廬悉被水淹蕩析情形殊深憫惻應就前頒賑款內撥款妥為賑撫毋任失所仍切實勘明詳報兼巡按使湯馮印  
各屬來電

寶慶李知事詳 都督兼巡按使電

長沙巡按使鈞鑒連日大雨滂沱兩江蒸日陡漲蛟水城內水深一丈有奇沿河一帶罄成澤國田廬淹塌慘不可言現在水尚未退除僱船分途救護并勘明災情另呈外謹先電聞寶慶知事李光襄文

寶慶張知事詳 都督兼巡按使電

長沙都督兼巡按使鈞鑒知事於本月十三接印惟城內外及沿河兩岸因連日大雨河水陡漲田廬舖屋淹塌不少人民蕩析離居慘不忍親接印後據李前知事稱係蛟水暴發受災故重已將大概情形電陳在案知事以民瘼攸關業赴近城一帶查勘其各鄉災區亦准明日履勘現除一面會營督團散放急賑一面查明被災丁口分別次發極貧請款賑撫外謹先電聞寶慶縣知事張孝熙元叩

新化程知事詳 都督兼巡按使電

長沙都督兼巡按使鈞鑒縣屬自初八日起大雨傾盆兩晝夜未稍休止又值蛟水驟發河流陡漲至初十下午已增漲數丈四門田廬均多淹沒水來迅急人多不及搬遷知事當即虔求晴霽是夜督率警小隊輪流出巡一晝夜未歸幸少淹斃亦無搶奪之事并多僱划船暨編竹木爲簰救渡人民暫置商會煮粥施食其未能出險之人即由知事趕做麵餈用划散發以資存活昨夜雨止今晚水始平定詢其來源甚長沿河一帶多被浸淹詢之土人稱爲數十年未見之浩劫失損田禾及已收之春季并資財等項爲數極鉅一俟水勢稍退即派人分途調

查一面先將地方之備荒倉穀暫飭正紳分別散放仰懇鴻恩撥發鉅帑以資賑濟詳情容俟  
調查呈報祈迅示祇遵新化知事作霖叩文印

湘潭知事詳 都督兼巡按使電

長沙巡按使鈞鑒縣屬大水昨經詳報尙未爲災詎天雨不止水勢加漲沿戶居民流離可憫  
已會紳發賑款由善堂籌辦知事羅葆祺叩刪

寶慶張知事守備隊趙營長詳 都督兼巡按使電

長沙都督兼巡按使鈞鑒知事到任後即赴鄉勘災并請散放急賑情形電陳在案刪日奉寒  
電敬悉蒙允酌發急賑五百串加惠災黎同深感荷惟查此次大水實爲數十年所僅見人民  
被災極重城鄉及沿河一帶大小災民約二萬六七千丁口冲倒房屋千餘家田畝亦淹沒不  
少墳尾流離目不忍觀擬懇加恩委員來縣特別賑撫以蘇民困刻仍陰雨未止前次被淹房  
屋續又坍塌不少差幸人民尙未淹斃堪以仰紆厯注再距縣寫遠被災之桃花坪隆回麻溪  
等處亦經會同委員查勘俟回轉再電陳餘另詳知事張孝熙守備隊營長趙春芳諫叩印

新化程知事詳 都督兼巡按使電

長沙都督兼巡按使鈞鑒又電計已達覽元寒兩日水退二丈餘已歸河槽惟低處田廬尙有  
未退出者查有備荒倉穀萬一千餘石被水浸淹現趁水退急督同巡警小隊脚夫將未濕之  
穀搬運城內存儲濕穀卽就災區散發災民或買或借各聽其便但此項濕穀折耗甚鉅連日

陰雨未止沿河及各鄉災區已派人分途調查俟回報即行轉呈新化知事作霖叩寒印

新化閩邑士民公稟 都督兼巡按使電

長沙都督兼巡按使鈞鑒本月齊佳灰等日大雨濱水陡漲數丈四城外民房淹兩晝夜儲濟倉貯待還省分倉穀三千餘石籌荒穀七千石商店穀米萬餘石均浸壞所救災黎暫置商會施粥沿濱兩岸暨各鎮鄉田廬人畜沖沒甚多俟水退查報懇迅撥鉅款委員勘賑並電飭寶慶省分倉委員再借穀萬石迫切待命新化閩邑士民公叩寒

衡山知事詳 都督兼巡按使電

長沙巡按使鈞鑒連日大雨水已長至城邊禾苗洗壞約四分之一刻仍大雨水長居民恐慌謹先電聞衡山知事周賽元叩鑒

醴陵知事詳 都督兼巡按使電

都督兼巡按使鈞鑒醴邑溇口市濱大河據駐市警官呈報文號連日兩河水漲數丈該市均湮禾苗盡沒又南鄉泗汾一帶由攸河水漲刻漸退禾苗亦被淹災畧減所有兩鄉人畜田墓廬舍候水退詳查除撥款飭紳會營救濟外謹先電聞綫阻合併呈明知事凌驥謹叩皓印

咨

都督兼巡按使咨復農商部文

爲咨復事案准 大部咨行停辦觀測分所囑發給辰州觀測分所觀測生川資洋十元又六月分津貼各項洋一百一十元等因准此除飭知財政廳照發川資津貼各項並飭該觀測分所將所領儀器及各項器具就近送交沅陵縣知事公署查收聽候提用外相應咨復 大部請煩查照爲此咨陳

農商總長

中華民國三年六月三十日

都督兼巡按使咨陳農商部文

爲咨送大小麥種事案查 大部前徵集稻麥品種案內囑將大麥小麥先行檢送等因比經照錄規則飭屬遵辦茲據江華等十二縣先後購資麥種到署經由敝署詳加察核用特分縣裝置彙填總表相應咨送 大部請煩核收爲荷爲此咨陳

農商總長

中華民國三年七月一日

示

內務部示

爲示知事查第二屆知事試驗核准免試及考取甲乙等人員應按照知事任用暫行條例第四條之規定分發省分任用除許元震陳友璋已簡任道尹王家儉萬和寅已薦任政務廳長自毋庸再以知事分發尙秉和現由本部派往熱河差務葉道繩方仁元鄭洪年經交通部咨請留部均應暫緩分發曹佩勳印昌祝鑒胡永年韓鼎祥劉孝存王達經山東巡按使咨稱前在東省虧欠公款趙邦彥被控有案均應暫停分發俟查明另行辦理外茲將應行分發各員支配省分開列公布再第一屆取列乙等知事田士懿前因在山東虧欠公款經該省電請停分現據咨報公款繳清應一併分發特此示知

中華民國三年六月二十日

第二次知事試驗保薦免試核准人員分發單

黃國瑄貴州 方策安湖北 史 書四川 倪 欽江蘇 光進琨安徽 茹臨元浙江

袁勵杰江蘇 朱 璞浙江 范標秦浙江

以上九員分發順天

趙文粹廣西 暢文藻陝西 梁廷相山西 黃瑞勳廣東 章 燾河南 唐景崙浙江  
倪桂殿山東 涂福田湖北 姚佐寅安徽 卞 墉陝西 楊嘉午安徽 吳昌曜江西

蔣汝中江蘇 玉 權蒙古旗籍 張曾壽浙江 唐 肯江蘇 王毓燦湖北 孫秉鈞山東

史久紹江蘇 許家恒江蘇

以上二十員分發直隸

程道元廣東 張光鼎吉林 周祖瀾山東 王濟輝貴州 費光國直隸 潘德荃江蘇

王鴻運直隸 王立廷江蘇 王孝傅浙江 廷 瑞旗籍 冉 楷直隸 趙宗謨直隸

裴炳熙浙江 俞鑑澄浙江 程廷恒江蘇 尹壽松安徽 莫德惠吉林

以上十七員分發奉天

高 翔江蘇 歐暑春奉天 李廷璐順天 劉潤之奉天 瞿方梅湖南 易 翔湖南

黃守愚湖南 范熾泰浙江 彭樹棠湖北 吉 人奉天旗籍

以上十員分發吉林

趙學臣吉林

以上一員分發黑龍江

吳保和江蘇 郝繼貞直隸 許葉珍直隸 周仁壽江蘇 陳相忠江西 曹光楷河南

方家永安徽 魏正鴻直隸 彭一占湖北 徐慶元順天 徐德潤安徽 張玉麟貴州

蔣 蔭江蘇 吳 燾安徽 周 禮江蘇 王家楨直隸 金榮桂奉天 鄭寶慈江蘇

蕭方駢四川 樊祖燮四川 俞慶瀾江蘇 徐德潤直隸



以上二十二員分發山東

楊兆奎湖北 劉瑞霖江蘇 劉昌宜山西 李繼楨湖北 翟春昭山東

以上五員分發河南

林開棻福建 黃彥威福建 周廣壽湖北 戴書銘江西 張文翰吉林 鄭裕孚廣西

以上六員分發山西

唐我圻貴州 應祖錫浙江 沈俊浙江 茹慶琛浙江 王琴堂直隸 孫錫祺浙江

白廣厚順天 謝元洪浙江 何壽朋廣東 翁有成浙江 鐘興駐防 王佐良山東

劉春堂直隸 范鍾淵福建 王紹曾直隸 劉鳴復江西 沈寶昌浙江 張宗儒浙江

張仁靜湖北 張鏡寰直隸 于元芳山東

以上二十一員分發江蘇

袁際鳳直隸 王寶槐江蘇 趙正印山東 王右庚浙江 錢人龍江蘇

以上五員分發安徽

張繩祖浙江 汪自強浙江 阮斌士湖南 王濬道四川 金鈺江蘇 楊文淵江蘇

陳宗楷湖北 吳嗣讓河南 劉鳳書湖北 呂學楷湖北 尹盤浙江

以上十一員分發江西

郭寶清山西 龔秉鈞山西 黃承坪湖北 童益臨安徽

以上四員分發福建

劉蔚仁順天 丁祉陰江蘇 蘇高鼎江蘇 任汝明江蘇 張鵬湖南 朱甲昌江蘇

嚴偉江蘇

以上七員分發浙江

袁祖光安徽 王衍曾安徽 時克蔭山東 章寶毅浙江 徐傳篤江蘇 曹元鼎浙江

葉錫年山東

以上七員分發湖北

車慶江西 范之幹湖北

以上二員分發湖南

李復江西 慶康吉林 鈕承恩山西 王在湘湖南 樓守光浙江

以上五員分發陝西

劉文蔚直隸 楊昌祿四川 康敷鎔四川 孫雲奎湖北

以上四員分發甘肅

黃伯恩湖北 曾有嚴奉天 賈繼緒甘肅 來鑫瀛浙江 李傳煦山東 顏楨江蘇

以上六員分發四川

未完

通告二則

湖南巡按使公署爲出示招考事照得北京高等師範學校於本年暑假內添招豫科一班前經

教育部核准由湘攷選三人於八月二十日前遣京覆試合行示知投攷各生查照後開條件報名勿誤此示

計開

一 資格 中學畢業

二 考試科目

國文 英文 歷史 地理 理化 數學 博物

三 報名日期 七月一日起至三日止

四 報名手續 攜帶畢業文憑四寸半身相片并備繳卷費錢二百文

五 報名地點 省教育會

六 試期 七月初十一兩日

中華民國三年六月二十二日 示

湖南巡按使公署爲出示招考事案准北京清華學校函請敝校中等科一年級向由各省照章選送湖南應派學額四名希查照規約認真選送至京覆試等因合行廣告投考各生查照

後開條件攜帶四寸相片於七月二十日前來本公署號房報名

一 資格 十一歲至十三歲確隸湘籍者

二 科目 國文 英文 歷史 地理 算術 體育

三 試期 八月一日二日

四 覆試期 九月初十十一十二三日須八月底到京  
清華學校招考規約已登六月二十七號本報

中華民國三年六月二十二日 示

官書報局廣告

啓者本局設立編輯處延聘碩儒鉅子編譯經史政治法律經濟各種書籍暨專門學校中小初等各學校教科參攷各書並奉 令將前辦之圖書編譯局歸併合辦所有各書正在從事編輯其已出版者特爲標出各界諸君購閱請逕向學院街本局總發售處面訂可也計開書目如左

國語教授法 洋二角八分八釐

算術教授法 洋一角六分八釐

手工教授法 洋一角一分四釐

圖畫教授法 洋一角一分四釐

以上四種日本田中廣吉著南州熊崇煦譯 合購洋六角八分四釐

初等小學讀本 第一卷 洋三分

初等小學讀本教案 第一卷 洋一角二分

初等小學讀本 第二卷 洋三分六釐

初等小學讀本教案

第二卷

洋一角八分

初等小學修身書

第一卷

洋一分八釐

初等小學修身教案

第一卷

洋六分

初等小學修身書

第二卷

洋二分四釐

初等小學修身教案

第二卷

洋六分

初等小學修身書第一卷掛圖十三張

第一卷

洋一元二角

初等小學算術教案

第一卷

洋一角二分

小學各科實際教授法

第一卷

洋一元二角

手工教科書

第一卷

洋三角

少儀教科書

第一卷

洋四角

兒童教授法

第一卷

洋一角三分

兒童自力研究之啓導法

第一卷

洋二角四分

兒童個性之研究

第一卷

洋一角四分

新教育學

第一卷

洋一角四分

本局出售各書從前係照碼六折發行久經於湖南政報登載廣告茲恐閱者或有誤會以致疑其昂貴特將各書價碼照實售價值改正 閱者注意

美國博克維爾氏著

江蘇謝慈叔譯

日本相馬三郎著

湖南胡適譯

美國耳哈博七著

南昌羅黑子譯

美國麥加利博士著

南昌黑子譯

日本大川義行著

長沙楊樹遠譯

日本大瀨甚太郎著

長沙黃獨譯

訂裝台

特裝册

常裝

特裝

常裝

特裝

印刷中

印刷中

# 商務印書館啓

敬啓者有版權之書籍不許翻印 政府定有專律懲罰甚嚴湘人多有 未知誤犯法律雖暫  
獲利後患無窮情殊可憫頃得六月四日 司法部飭第四十號辦理日嚴用特抄錄登報俾  
衆周知而免誤犯區區之心諒蒙 鑒察

## 司法部飭第四十號

爲飭知事五月十九日准農商部函開據全國商會聯合會呈稱上海總商會議董印有模  
提議請通令各省嚴辦翻版一案經大會議決理合呈請轉咨司法部通飭各省審判官廳 遇  
此等案件務須按律辦理等情相應鈔錄原呈函請察核辦理等因到部查著作權律第三十  
三條以下所定禁罰甚嚴該會原呈所稱翻版之案湘鄂粵魯川豫等省最甚已經發見正在  
訴訟中者幾於無不有等語是徵此項訴訟日漸增多自非援用該律切實保護不可爲此  
飭知各該廳暨兼理訴訟各該縣知事嗣後遇有侵害版權案件務須按照著作權律第四十  
條以下所定罰例切實辦理勿得稍涉輕縱此飭

司法總長章宗祥

右飭

京外各審判廳  
兼理訴訟縣知事 准此

印

中華民國三年六月四日